

范文正公集

十四

范文正公鄱陽遺事錄序

漢孝宣帝常曰與我共治者其惟良二千石乎天下之庸郡有太守能用良稱者幾人哉且鄱陽高首揚州之域春秋時爲楚東境後屬吳史記言昭王十二年吳伐楚取番蓋其事也秦并天下曰番陽縣屬九江漢更爲鄱陽縣係豫章後漢建安十五年吳大帝時張昭等議以豫章土廣人夥請分置廬陵番陽二郡初治部故城後徙吳芮即今之所治也梁天監中置吳州陳廢爲郡隋平陳罷郡爲饒州大業仍爲郡唐武德四年平江左乃復置州則饒之爲州始四五百年矣推諸牧守無慮近千人然撫於廳壁記自開寶八年僞唐歸朝有鐵林軍主張仁忠權知焉迄元

鄱陽遺事

祐壬申朝奉大夫鄒軻凡六十有八人而比閩州圖經序賢牧內史者止吳周魴晉虞溥隋梁文謙柳莊梁陸襄唐馬植李復七人焉求之州圃間有吳虞梁柳陸馬李七公與顏魯公并文正公畫像以千百歲而守者近千人而其著於圖記繪像者陸虞二內史梁周二太守柳儀同馬常侍李刺史顏范二公九人云二千石之良不幾於難有耶余倅於饒見魯公雪程小娘被寇事特道其始末而圖其像以附文正公之祠堂是賢太守不可得而多也噫鄱陽之守近千人著於圖記繪像九人而公之德尤不泯饒人爲之立祠班春堂天慶觀州學之講堂凡三所繇景祐距此僅六十載香火不絕牲牢日盛較以千人間流澤

之遠惠愛之被獨公一人而已矣然公之遺風餘美實浹於物每於民之去思又豈止夫祠堂而已乎公視政日所以制作修期之跡游賞吟詠之舊莫不敬而念之余因采其所敬念者命曰范公鄱陽遺事錄非敢徼名於世庶其垂話于後而不事於召棠之歌詠也且公始通判河中府徙宛丘壓延慶杭越蘇潤青穎邠耀鄧永興一十二郡純猷茂蹟燦在國史家集奏議間何假於是歟如公所至有恩鄧慶二州民與屬羗畫像而生祠之御篆以褒賢碑額青史傳載四方千載固已聞之矣竊疑饒之遺事或有所未聞者安得而弃乎紹聖乙亥六月丁卯天台陳貽範序

范文正公鄱陽遺事錄

慶朔堂

蜀錦海棠

郡齋

春香虛靜亭

九賢堂

五老亭

碧雲軒

寶福侯禱雨

文筆峯硯池

州學基

秋香亭

三祠堂

長沙王廟記

慶朔堂

慶朔堂公之所朔也在州園之北偏左瞰蜀錦右連流杯前占春香虛靜傍對湖光四望直見清心退思以正設廳儀門之道基平而棟隆勢巍而氣壯公之意非所以示游玩也將以承宣天子風教而發施於政令儀乎古諸侯藏朔焉所以題之曰慶朔而且親植花卉欄為二壇公既移潤是以作詩而紀之云慶

鄱陽遺事

朔堂前花自栽便移官去未曾開

公景祐三年八月朔堂前花自栽便移官去未曾開移潤州年年憶着成離恨祇託春風管勾來後之

人觀公之堂思公之政及公詩之來而爭和之以利

于石壁度支負外郎提點鑄錢魏兼史君去後堪思

處慶朔堂前獨到來桃李無言爭不怨滿園紅白為

誰開職方負外郎知饒州畢京花木還依舊徑栽春

園不惜為時開幾多民俗熙熙樂似到老聃臺上來

祠部郎中提點江東路刑獄公事陳希亮弱柳奇花

遞間栽紅芳綠翠對時開主人當日辜真賞竟莫遺

應全到來供備庫副使同提點江東刑獄公事曹涇
池館名花舊日栽幾番零落又春開誰人解識紅芳
意猶有多情五馬來噫世之人常以絳之園亭為最
而鄧之百花洲抑為其冠若錢塘有美烏程碧瀾瑯
瑯醉翁貴池弄水率為士大夫之所矜愛者然以公
之慶朔名著乎建康廣信雖愚夫稚子莫不知尚頌
念之非公之仁德惠澤流播于風俗間安及於此哉

蜀錦海棠

公慶朔堂詩云慶朔堂前花自栽今堂之東南隅有
海棠二樹東西夾植于小徑兩傍說者皆曰公之所
栽也得無詩之謂哉公去饒殆六十載度其高已丈
餘而蟠結之陰復四五尋春陽之布如錦綉然元祐

鄱陽遺

末太守鄒公軻惜其無臨賞休息之所遂築亭其後
題曰蜀錦蓋海棠本蜀植也而花開猶錦綉推而名
焉殆非憂公之流風遺澤而充擴自裁之句耶

郡齋

公守饒凡十有八月移潤而饒為繁劇之郡民頑好
鬪吏狡多梗公下車輿庠序曉教令待賢愛物壹以
愷悌終日無事故常留題曰三出專城鬢似絲

府通判移陳州後為右司諫出知齊中蕭灑過禪師
正默軒之今有養正堂及默軒養
齋之存今有養正堂及默軒養

每踈歌酒緣多病守
公守饒多歌

不負雲山賴有詩
公守饒多歌

半雨黃花秋賞健
郡有提點鑄錢司解

之二絕句

時提點魏兼與公劇相得其尊各秋香公為一江明
之作秋香亭賦言花之句得無意於是乎
月夜歸遲人間福何須道塞上衰翁也自知為守
考以饒之繁劇每窮日力常懼其不治公處之有方
而民樂於惟憐公郡齋即事之詩必致仰而談
於政也優游

春香虛靜亭

春香虛靜分峙慶朔之前與二花檻並列傳云乃公
之所建也慶朔之舊常為宴賓之憩焉樂既作於庭
而卉木環抱得二亭并映真娛樂之趣也求公之措
置豈獨政事而已哉雖應接細務必有法度而為後
人之矜式良足書也

九賢堂

州之後圃有堂焉四壁間圖陸襄虞溥二內史梁文

御陽遺

五

謙周魴二太守并柳莊儀同馬植常侍李復刺史與
顏魯公暨公凡九人因攷郡圖經若陸襄虞溥梁文
謙周魴柳莊馬植李復俱以賢牧稱魯公止載於樂
平縣乾元初被中丞唐旻誣劾降知饒而雪程小娘
遭寇屠害父兄事不廁於賢牧之列何賢者難得如
此耶國家自開寶迄紹聖六十有八人而在九賢之
序者惟公一人已矣信夫人才不世出而公之仁德
惠澤非尋常侔也惜乎基隘而屋庳土墮而像泯余
逼於受代不得從容而新之命之曰九賢復錄
其始末為記云噫建康古名郡也府之後圃有瞻儀
堂繪像者近百人人率為之讚且明其新舊年月而
已猶饒之聽壁記焉安如九賢之必以德乎

五老亭

五老峯廬山之勝也饒去江殆數百里而州北芝山院危坡屹起晴霽間可以瞰焉公下車怜其可觀乃作題芝山寺詩云樓殿冠崔嵬靈芝安在哉雲非過江去花落入城來寺去州城三里得食鴉朝聚聞經虎夜廻偶臨西閣望五老在西五老夕陽開寺僧遂作五老亭于危坡之頂饒之人寒食以芝山爲踏青所至者必曰范公五老亭也

碧雲軒

碧雲軒芝山寺海會堂後之小軒也外瞰危石中鎖幽檻軒簷之庭栽列花木蘭蘆諸藥似有高人達士趣嚮公守饒時有昇上人占居此軒公每到寺必適

鄱陽道

六

其處愛其閑寂蕭灑常爲之留題曰愛此詩家好幽軒絕世紛澄霄半牀月淡曉數峯雲遠意經年就微吟並舍聞只應虛靜處所得自蘭芬公移潤而饒人矜公之詩有以二南名者蓋見公之辭騷雅且名重當世足以爲後人稱想有以然也今之人纔遊芝山莫不尋繆其所以閱公之詩榜焉噫鄱陽境上如德興之聚遠餘干之干越興薦福之澄心開福之寒林幾二千首獨公之詩爲士大夫所膾炙而饒人惇尚之非公之名重當世而政著於去思何以臻此耶

寶福侯禱雨

寶福侯乃漢之樊噲也舊廟于芝山之頂曰鹿頭木王公守饒凡民間旱即禱於此神頗有驗應今之廟

地公之所徙也且州之民邵都院者卜其地置生墳公一日入院詰其故乃曰五十年後當出侯伯不得鬻於人於是令移鹿頭廟屋於此復移文于僧寺暨元豐庚申太守馬淵以久不雨因禱於神而霧霈沾足遂狀其感應而奏之乞加旌獎朝廷下太常封爲寶福侯淵之奏陳且道公之請雨有功修飾廟貌迄今血食以景祐迄元豐恰五十年公之先知誠可尚也後之人凡入寺見其廟必指之曰范文正公之遷而五十年出侯伯處也

文筆峯硯池

饒之山水大率秀拔有豪傑者出焉公之至識其形勝一日乃曰妙果禪院一塔高峙當城之東南屹起

柳陽遺集

七

千餘赤饒之文章應也城之下枕瞰數湖水脉連秀抑爲儒者滋顯也於是名其塔爲文筆峯目其湖爲硯池且曰二十年後當出狀元逮治平乙巳州人彭尚書汝礪果第一人及第公之沉幾遠識良足書也

州學基

公所謂妙果浮圖爲文筆峯東湖爲硯池而郡學之基乃占文筆硯池之中而公指之也然其當州城之巽地周環枕湖水長堤數里林木捍映坡麓森爽學旣建而生徒日盛榜榜有登第者多魏科異等信夫公之興勑非唯示法於一時能爲典刑於後世者也噫饒之學自晉虞溥作教諭以招誘士子數歲間聚徒幾二三千爾後零散儒風挑撻由公遷指基址今

殆四千人公之德惠豈尋常之比哉惜乎公去之速未及建立而規模不甚宏齋宇不甚整迄今見者之歎惜而學者之歎念焉堂之上所以置公之祠而朝夕瞻敬者蓋不忘公之指揮也

秋香亭

鄭公之後兮宜其百祿使于南國兮鏗金粹玉倚大旆於江干揭高亭於山麓江無煙而煉回山有嵐而屏蠹一朝賞心千里在目時也秋風起兮寥寥寒林脫兮蕭蕭有翠皆歇無紅不凋獨有佳菊弗冶弗夭采采亭際可以卒歲畜金行之勁性賦土爰之甘味氣驕松筠香滅蘭蕙露溥溥以見滋霜蕭蕭而敢避其芳其好胡然不早歲寒後知殊小人之草黃中通

理得君子之道飲者忘醉而餌者忘老公曰時哉時哉我賓我來緩況遲歌如春登臺歌曰賦高亭兮盤桓美秋香而酡顏望飛鴻兮冥冥愛白雲之閑閑又歌曰曾不知吾曹者將與夫謝安不可盡歡而幸去乎東山又不知將與夫劉伶不可復醒而蔑聞乎雷霆豈無可而不可兮一逍遙以皆寧范文正景祐間罷天章閣待制守鄱陽為提點鑄錢魏侯作此賦公賦之就攷其景趣求其意思宛在目下公之製作信非苟成也必其成法以矜後世古人云賦體物而瀏亮者乃公之所能賦也今其舊址雖易為征官所居而提點之別廡於大廳之東偏傍猶以秋香名是不忘公之所愛也元祐癸酉太守鄒軻闕公之舊址而

看經院之南芟剗蕪穢修平坡壠荆以廊宇以發公之所用心不幸鳩工而亡得無公之遺事在人而不衰乎

三祠堂

漢晉而降迄于聖朝守饒者無慮千餘人今之立祠祭享者止公一人而已矣信乎公之德澤惠愛遠出今古而爲民去思也且饒之所立祠班春堂天慶觀州學講堂凡三處春秋祭賽禱晴雨及州官之到罷皆修敬不絕若學講堂每遇上下釋奠亦具禮祝公之功德豈數百歲而泯耶愚以召棠歌頌比焉者蓋適於此也

長沙王廟記

鄱陽

九

長沙王廼吳王芮也東漢建安十五年吳大帝時張昭等議以豫章土廣人繁請分置廬陵鄱陽二郡初治部故城後徙吳芮即今所治立長沙廟貌得非緣於此哉且饒之爲國殆千餘年而廟不立公之守饒始建焉然公之窮古尚德好賢樂善之心豈尋常人也今攷諸碑而刻其傳贊以歲月列公之名銜復命提點鑄錢魏兼篆額且使賢令嗣監簿純佑書公之遺跡充足於後人也

范文正公鄱陽遺事錄終



遺跡

詩曰蔽芾甘棠勿剪勿伐召伯所爰是雖石
公之德教明於南國亦足見人心天理之所
在盛德至善果能使民之不能忘也文正公
之勲德被於海宇凡平生所至之地後人皆
為立名號建祠宇以示不忘迄今三百餘年
敬慕猶昔是豈人力之所致哉於此見窮天
地亘萬古斯民好善之心猶一日第惠在上
者不能以善政感發之耳是故勢力非所以
服人貴富不足以傳久惟盛德大業可以服
人心而垂後世觀者其亦有省於斯

百花洲在南陽公集有荅王荆源憶百花洲詩洲上

遺跡

有文正祠黃山谷先生嘗游百花洲謁文正公祠
有詩

東溪書院在澧州初公幼時侍其父朱文翰宰安鄉
縣讀書此地後為文正公讀書堂寶慶丙戌知州
董与幾建東溪書院

西溪書院在泰州海陵縣西溪鎮初公監西溪益倉
築捍海隄二百餘里人懷其惠既為立廟邑士姜
國英復請于官中書送禮部議舊有祠堂委係前
賢合設書院宜從所請

忠烈廟在慶州宣和中宇文虛中為慶帥建與种世
衡同祀公廟號忠烈世衡廟號威靖

景范樓在鄧州古牙城公嘗知鄧州邦人思之建景

范樓

思范亭在唐德司理廳詳見孫莘老詩及汪淳溪樓

鑰祠堂記

清風樓在潤州公知潤州時所建

范公栢在番陽郡學凡十八株俗傳道言栢及地

則吾再出今栢枝去地不及二尺

嚴子陵祠堂公知睦州日建以祠子陵今為釣臺書

院內有公祠堂

讀山在池州青陽縣東十五里長山公幼讀書之地

人名之曰讀山後建文正祠堂池人以公隨所養

父淄州長史朱文翰之長白山非讀書於長白山

所謂長山者乃在此而非淄州之長山也紹定二

三十九八

道亦

年池州郡守丁黼記之有辨甚詳亦未暇考

平江府文正公祠宋咸淳間太守潛說友建撥官田

以供祠事既成以聞于省依所請其東為范文正

公坊其西則文正公故宅喬木森蔚巋然故家其

南則為范家園有石刻太守李大異書

國朝至元初平江路學官衙中皆帶提督范祠祠設

教諭至今每歲春秋二丁郡官致祭臺省諸司官

因事按吳者皆與祭凡達官顯人過吳必拜謁祠

下其題名具在

吳郡學本文正公南園也公以南園為郡學後公仲

子持節按吳復加增廣至今郡學為浙中之家學

有文正公祠以范氏子孫一人為主祠

醴泉寺在長白山麓文正公未第時讀書此山大德
癸卯寺僧德榮始塑公像寺中中麓劉敏中有詩
遺德榮刻諸石

懷范樓在城東南南望羣山如畫至元癸巳春縣尹
濟南安承務重建刻其詩及移名人詩石於其上
黌堂嶺在會仙山之南以公嘗讀書於其上故名其
有上書堂

下書堂在黌堂嶺南十里許按劉仲元記云傍鄒邑
山也黌堂處其東長白峙其南聖王諸山連峯委
會於其西聖王之南有山曰會仙其峯壁立特起
蒼翠可愛其中有堂故基曰書堂世傳以為文正
范公之別墅也又按魯昌祖創修祠堂記黌堂嶺

道跡

徑北十里許會仙峯之巖公之下書堂遺龕在焉
工部侍郎賈侯之莊在茲山之下仰公之德意欲
創起祠堂於山之麓先出楮幣三十七貫文以助
工役之需監縣房侯唐卿未登仕版時慕公之為
人常有慷慨感歎之心斯任之來斯事正符宿昔
之願勇於為義黽勉從事無時或怠鳩工貿材經
營之際縣尹石侯縣丞成侯主簿丘侯典史王國
昌同心和助之或曰山麓荒蕪祠堂雖就恐為野
火焚毀樵牧戲踐祠成乏香火之供反為不敬何
以勸善蓋若少北三里許醴泉寺之巽隅高平爽
塏興蓋若何侯曰善仍以都目趙鑑弟趙銓孫克
敬督其役興功於大德庚子秋七月至大德辛丑

褒賢寺在洛陽文正公忠宣公墓在其地是寺為奉
祠之所內有仁宗所篆褒賢碑吳中子孫亦常遣
人至洛陽致祭其寺僧亦常來吳

褒賢顯忠禪院重脩法堂記

奉議大夫前同知歸德尹事賜紫金魚
袋蔡如撰并書

昔佛成道坐於菩提樹下化力風行峰象頭山入王
舍大城瓶沙王御于郊野因以迦蘭陀竹園為佛寶
舍伽藍之興自此始也漢明帝夢金人項佩日光飛
于殿庭乃遣蔡愔秦景使大月氏與攝摩騰竺蘭遇
焉二沙門入于洛獻釋迦圖像并諸經於是肇有寺
於洛城佛法入中國自此始也由漢至唐由唐至宋

曹亦

悉加崇奉故此禪院創自李唐初名法會宋元祐間
范文正相公得請于朝改號褒賢顯忠經靖康亂法
堂火災有慧照大師福澳來住斯刹四方敬信徒眾
歸依時河南初定人烟稀少師乃振錫渡大河登太
行抵金臺勸化鄉黨仁彥智夫得金以歸命工伐木
造瓦重建法堂一所水磨兩盤修葺漏煥然鼎新
拓來客所廣闢田疇倉廩實矣齋粥衍矣梵香紫藹
法喜禪悅嗚呼無慈悲之德者昧於苦樂不能興是
事無喜捨之心者著於慳貪不能結此緣無穎悟之
識者樂於小法不能成此大惟師脩行四無量法惟
師參悟佛光真諦是以名達天庭禮納使相住持向
太后功德寺大觀宣和間聲名籍甚今行年八十有

七而能辨此一大事因緣可以見其平昔之志丁卯仲冬師來訪知足居士曰本院修造於皇統乙丑至丙寅仲夏畢功未有為我記者敢請居士為記其事以示後人居士唯然願樂書之皇統七年十一月十三日記

住持傳法慧照大師福渙立

裴卞刊

尚書禮部牒准元祐三年 月 日辰時到

部門下省送下中書禮部奏准都省批下太中大夫

尚書右僕射兼中書侍郎上柱國范純仁狀近奉

旨授尚書右僕射合依例置度僧追薦先祖純仁先

祖母及父葬在河南府河南縣有功德褒賢禪院今

欲乞兩遇節於本院添剃度行者一名 祖以上並

少冊

遺跡

五。

蘇州天平山白雲寺亦乞兩遇 節添剃度行者

一名其兩處 每一年度一名申尚書省伏乞依例

施行狀前批送禮部奉 乞請一依

指揮施行者右下褒賢院仰一依前項禮部牒內旨

指揮施行元祐三年七月初三日

范文正公既葬而墓隧之碑乃立嘉祐元年

仲兄右丞相時為著作郎以國朝故事大臣塋所恩

許置寺度僧遂請于朝願以彭婆鎮舊法會院改賜

名額間歲聽度一僧以嚴崇奉朝廷從之元祐元年

仲兄進貳樞府三年乃登相位兩以例恩皆得增度

僧數它日院之度僧道因請以始末詔旨刻諸石余

既許之又為書其所以然者元祐四年 月六日在

朝請郎充寶文閣待制環慶路經畧安撫使兼馬步軍都總管兼知慶州軍州事范純粹記

至大二年四月七世孫邦瑞遣八世孫國雋宗俊宗是賚

江浙行省咨咨河南行省河南省劄付河南府路委自同知徐景儒率屬僚詣墓加禮致祭

先文正公墓下祭文

昔吾范氏始於陶唐根本深固奕葉流芳漢有清詔郡國流行唐有春官鳳闕平章世家河南譜係甚詳咸通以後一枝渡江爰居度處闔閭舊邦麗水哦松誥牒猶藏子孫保之為今甘棠四世而後文正挺生

明十八

遺跡

六


少長北地即家穎昌學問淵海聞望珪璋條奏十事嘉謀孔彰昭陵注倚國之棟梁四子顯貴悉稱元良監簿忠宣恭獻侍郎封胡羯末華萼相光父子勲業魏魏煌煌具載信史代曰無雙化窮數盡玉藏洛陽佳城鬱鬱拱木蒼蒼炎運中微紐解皇綱地維云絕南北異疆市無寧居後昆徬徨離湯沐之故邑不復敬止於梓桑別祖父之先塋不克時奉於烝嘗孤兔得以出沒荆榛從而蕪荒多歷年所幾易星霜丘壠寥聞風悲白楊瞻望弗及念切羹牆坤軸旋轉咸歸職方車同軌轍轡出康莊展敬松楸匍匐踉蹌恭拜墓下我心則降日想英靈如侍其旁有肴在俎有酒在觴幽冥感格歆子馨香福我後人地久天長

歸拜鮮墓文

某等自高祖曾祖祖父不獲拜省

始祖祖禰墓域者又四世矣抱恨終天齋志而歿勢使然也時使然也柰之何哉今則天道好還地軸旋轉南北坦塗離而復合機會之來間不容髮某等匍匐至此恭拜墓下剪其荆棘上以慰

祖宗屬望之霧下以盡子孫追遠之責先憂後樂不墜成訓至若徼福後人悃悞已露不敢再犯瀆告之戒祀事告畢言還言歸回塗寧止不能無望吾祖宗之默相也敢告



天平山在吳縣西去吳郡城二十七里其山峯巒峭拔石皆卓立與他山絕異其山上有龍門頭陀岩五丈石蟾蜍石龍頭石穿山洞卓華峰飛來峯半山亭小石屋大石屋烏龜石釣魚石卧龍石照湖鏡等石

白雲泉在天平半山間泉色如乳四時不竭以烹茗甚佳泉側有石刻白樂天詩文正公及蘇子美俱有詩泉之上今為白雲亭高木環合高據重崖俯見平野數十里間如指諸掌橫山諸峰羅列面拱誠佳致也

白雲寺在天平山下右石刻刺史白居易詩慶曆四年文正公奏本家松楸在此實藉此寺照管請賜

白雲寺

六口遺跡

二

為額白雲寺蓋以白雲泉而名也寺有無量壽佛閣住山僧遠禪師嘗與忠宣公登其上講經

輒道丁亥汎舟遊山錄

周益公

五月丁亥早范至能顏休文相別於閭門外唐致遠聯舟遶城望姑蘇館而過八里至橫塘又數里至黃山又數里過木瀆遂至靈岩院至能走价送薰香松黃新茶其簡云來日登天平頂攀援至遠公亭及諸石屏處白雲泉泉在水品其色凝白蓋乳泉也張又新以席丘石井松江在第三第六而下此泉未知如何試一別之向壽老欲作亭泉上及別築遠公亭寺右上山路傍有石龜極形似向亦有名近無知者忠烈廟具有文正已下畫像挂壁謁之丙辰早升小車

過天平下嶺甚峻約數里至白雲寺圖經云唐寶曆二年置在縣西南二十五里本遠錄公道場今為范文正公功德院文正父祖塋山下寺有白樂天蘇子美王君玉蔣希魯詩刻欲同致遠登山而脚力頓疲難之然思至能簡中語恐遺恨亡年遂奮衣右轉而上酌白雲泉甚白而甘躡石磴至卓筆峰峰高數丈截然立雙石之上附着甚軼軼疑其將墜餘如屏如矗或插或倚備極竒恠行十六七石愈衆而力愈憊廼循左徑訪石屋三面壁立覆以二大石少休其中下至小石屋一石覆之又下至飛來峰高二丈上銳下侈微附巖石前臨崖谷茲其異也又東下遠公菴一名望湖臺正直寺後又下至五丈石亦閣石上次

六口道跡

三

跋龍門二大字

天平之龍門卓筆殆似造物者特為范文正公而設泐西提刑盱江包恢請史校勘桐江楊德藻作

游天平山記

中吳之西山天平山為之長實為吳鎮原隰環之江河絡之其上多恠石如斲冰如瑠木或立或僵或如介夫或如奔馬不可名狀其木多松檜有泉出焉曰

白雲之泉瀉於蒼崖激於巨石注於絕澗其聲如鳴
玉其味甘冽是山也范魏公之祠在焉其祀用中牢
魏公吳人有施於鄉黨德義至厚既死而不沒故鉅
公名卿高人韵士經由是邦莫不肅拜祠下顧瞻遺
像而仰其休風夫玉蘊石而山輝珠藏淵而川媚况
德義所加丘陵林麓有不增其高而發其耀者乎故
茲山之勝抑其亦以其人也至元再元之歲冬十有
二月江浙行省叅政李木魯公徵拜翰林侍講學士
於是郡守濟南張公亦拜吏部尚書趨朝有日適相
遇也班荆語舊偕遊是山謁魏公之像臨白雲之泉
翰林各賦詩七言四韵九思等屬而和之新除教授
紹興路儒學范文英靜翁魏公八世孫也主奉祠事

四五

吳中遺跡

四〇

奉觴為壽而請曰翰林擅詞宗於當代尚書被遺愛
於中吳雅道允叶嘉會難逢不載以文何以示後請
為之記將刻諸祠翰林以命九思固辭不獲因道先
生遺德山林勝槩而附以茲游之歲月焉翰林名翀
字子翬尚書名某字淵仲同遊者平江路總管府判
官楊時舉思明推官王大有廷秀經廕王諫仲正知
事伯都彥實儒學教授蔣伯昇進之玄明通道虛一
先生趙嗣祺住持白雲寺沙門淨標為文者奎章閣
學士院叅書文林郎柯九思

義學去天平山一里餘外有孔子廟內有文正公祠
左右設敬身知本兩齋中為清白堂詳見陵陽集
先生義學記

太師墳文正公祖父唐國公周國公所葬在太平山之下其穴主天平正峯以秦臺山為外門以橫山為遠按環抱拱挹形勢甚奇按王氏語錄徐忠翊嘗遇一好山水心期為公相之地意謂我方以術求售於時待其克應於幾十年之後孰若待應於不數年之間則人信向我方身享其利故必擇人與之不肯輕畀且如公相之材非里巷所有必於輦轂之下四方賢英畢集之地求之寓京師七年始遇范文正公以品官詣禮部徐識大貴也欣然以地圖授之范謝徐以相見之晚適先樞已塋四年矣慕徐名術發圖視之則形勢向背全類其所塋之地其名又合范遣休約徐同往觀之其穴

法之高下向背皆與術契惟窖堂太深猶是俗術規為即斷曰公相當自此生已生者去公相一間耳歸而與范曰足下優游致身於叅樞之地歟然范嘗吟中秋月詩曰已知千里共猶訝一分虧事皆默契後范子果拜相即克夫也

秦臺山在太平山之右大石嶼峯上刻秦臺二字俗傳秦始皇游會稽嘗到此

太師堧公曾祖徐國公所葬在太平山之南正與靈巖山相對


無外居士堧在白雲寺前居士亦文正諸孫即作元夕寶鼎現詞者

范文穆公石湖先生墓在太平山之西南有覺巖寺

為奉祠之所文穆公居石湖而塋於此意欲自附於天平之范者歟

吳縣忠烈廟在白雲寺之右宋南渡慶州隔絕置忠烈廟於此至今每歲郡官致祭凡名公鉅卿之來吳者多詣天平謁拜廟下

卧雲書院在天平南三里有恠松屈盤於地偃蹇數畝極為奇古俗名眠松旁有石刻盤松二大字篆文字畫甚古上有卧雲書院范氏建內有文正公及狄武襄公遺像



長白山

黃嶺

朱家莊

公正亭

觀音閣

馬鞍山

文正公祠

長山河

會經閣

廣德樓

觀音閣

長山縣

尼厚口

雲山

禮參店

一德堂

山澗


石井通

英祥

符塔

西門

洛陽遺跡



至正七年八月辛未朔越四日甲辰

奉議大夫河南府路達魯花赤也先不花

奉議大夫河南府路同知郭文鼎

承直郎河南府路判官董鉉

將仕佐郎河南府路知事劉臣源

河南府路照磨胡欽祖

茲以

故宋太師魏國文正范公八世孫文英謹遣男廷方不遠數千里省墓洛陽且復侵地某等仰

公德澤之深遠感公裔孫之不忘其祖而媿吾有司弗克戒約眊隸之無知者日以潔牲清酌之奠為文以祭曰惟

洛陽志

公學貫天人材無文武濟貧活族德澤過於晏嬰幽將入相勲業擬於伊呂惟

昭代之尚賢嘉不茹而不吐爰肇崇於祀典實名教之有補何眊隸之無知即丘墳而敢侮壤樹暴於斧斤域兆鞠為禾黍犯彛憲而不卹徒昏頑之是怙屬裔孫之來斯增有司之媿負認異代之松楸瀆侵犯於強禦戒樵牧於晨昏謹封藏於終古倘彼眊之不一悔其斯言之是睹致薄奠以陳詞覺汗下之如雨尚饗

祭丞相忠宣公

維

公世濟忠直名昭日星眷茲洛土有崇其坐彼眊蚩

蚩恣為盜賊既代松楸又滋稼穡神雖未殛法實難容裔孫廢止爰復故封九百丘壠莫之敢廢矧公父子有功於世戒飭禁約責在有司繼今以往孰敢弗祇崇酒於觴登肴於俎神其監之永安終古

范氏復祖塋記

天台陳基謨

奉訓大夫江南諸道行御史臺監察御史

史幹勒海壽書

中奉大夫陝西諸道行御史臺侍御史

丁元篆額

故宋太師魏國范文正公以上三世墳墓在吳縣之天平山至公之薨始塋洛陽萬安山母夫人謝氏之

洛陽志

二

兆其子監簿忠宣恭獻侍郎以下三世皆祔焉中更靖康之亂子孫之在吳者弗獲以時展墓唯顧瞻山河北嚮流涕而已我

世祖皇帝混一四海

列聖相承誕敷文德而尤惓焉意於古今忠臣烈士有功於名教者故公克與天下之名山大川前代之聖帝明王並登祀典每歲仲丁有司祇奉中牢致祭惟謹可謂盛矣然亦不過即天平之白雲以寓其高山仰止之意而萬安之原至大中八世孫國俊僅一至其處同知徐君景孺為復侵地亦存什一於千百自是又三十九年為至正七年國俊從弟將仕佐郎文英謂其子崑山州教授廷昌嗚呼自陵谷變遷以

夏四月落成堂宇壯麗儀形儼然

范公泉在青州洋溪皇祐中文正公帥青社有德裕
民而州之乾方洋溪醴泉出焉後人目之曰范公
泉詳見任城王 所撰記

文正公祠堂在長山縣治平二年知縣韓澤建撰記

喪故家喬木零落殆盡吾子孫幸生

聖明以孝治天下之時憑藉餘澤食有義田居有義宅教有義塾凡養生送死可以無憾而祖宗二三百年之丘壠所恃以為藏者鞠為芻牧之區徐君所封亦已侵削尚安在其為子孫哉洛陽土風號為近古豪民無知可以德化不可以力勝吾聞御史韓勣君允常居里第日以吾先文正公濟貧活族之仁自勉而僉事李君公平分憲於洛又嘗執筆而為公之傳者誠以狀白之必有以矜吾之志也廷方即日具資糧靡屨不遠數千里致其父之命於是李君首出俸金為之倡韓勣君率鄉黨與同知郭君文鼎判官董君鉉奉牲幣為文以祭於墓下所謂豪民之無知者

洛陽志

四

觀感而化卒復徐君所封之舊而其地以畝計者若干焉既繚以周垣益之封壤又築室六楹俾其甥趙氏廬其上甫竣事以其墓嘗與觀籩豆玉帛之盛使書之於石竊惟文正公以間生之氣王佐之才致位將相為宋宗臣百世之下誦其詩讀其書者可以立忠信而尊君父興王道而致太平故其少而隸業長而從政所至之地遺愛不忘率繪像以為祠刻銘以頌德頌是宅是安在其父子平生官居衣冠禮樂之鄉而使斧斤耒耜日相尋於其中豈國家尸而祝之以待先賢之意乎繼自今茲為子孫者如文英之不忘其本處里閭者如韓勣君之推尚古道居風紀者如李君之知所勸相為有司者如郭

君董君之克恭所事則萬安之松楸將人人為之封
殖益人而不廢尚何斧斤耒耜之患乎哉公父子世
濟忠直太史有傳神道有碑家乘有載茲不敢以瀆
書書其復瑩歲月以為方來告云是歲丁亥十月丙
子謹記嘉議大夫河南府路總管兼本路諸軍奧魯
總管管內勸農事知河防事張明忠奉議大夫同知
河南府路總管府事郭文鼎承直郎河南府路總管
府判官董鉉將仕佐郎河南府路總管府知事劉巨
源河南府路總管府照磨胡欽祖昭勇大將軍河南
淮北蒙古軍都萬戶府都萬戶察罕帖穆爾昭毅大
將軍河南淮北蒙古軍都萬戶府副都萬戶失里伯
吉從仕郎河南淮北蒙古軍都萬戶府經歷兀訥罕

洛陽志

五

知事郭仲禮提控按牘趙璋儒學教授丁士恒學錄
蔡世責等立石

蓮花堡在鎮戎軍西南與德勝堡相連又定川砦諸葛亮城皆在鎮戎界嘗有蕃賊至此公遣張建侯往救應

長武寨在涇州西賊寇邊公與都監張肇部領軍馬離邠州取長武路往涇州策應後又聞賊分軍回奔保安軍上面公又差巡檢宋良蕃部巡檢趙明部領蕃漢軍馬往長武把隘

萬安鎮去保軍八十里初延州有一將軍馬在保安軍駐劄費用糧草供應不辦公乞將保安軍所駐軍馬抽退於萬安鎮就食糧草却將萬安鎮一將軍馬抽退延州亦只八十里

馬鋪寨通近後橋白豹寨每有賊馬出來公脩此砦

西夏集卷

時兵馬不多只是據河西山坡特重下砦不与追逐其砦城十日內泥築并泥飾了當

木波寨在環州正當賊來大川路惟賴諸寨蕃部熟戶同共防托公恐熟戶二心未可倚仗遂保舉种世衡知環州以牢籠蕃部

定邊砦在環州公嘗令劉貽孫至此相度葫蘆泉一帶立寨接連鎮戎軍去處

明珠滅威二族在環州之西鎮戎之東二族之北有葫蘆泉公併兵於其地修起城砦招撫二族

華池鳳川平戎三寨皆在慶州東平戎去延州德靜砦七十里華池去德靜一百一十里鳳川去德靜一百二十里公指揮慶州并諸寨並權住入中白

米却告示客旅並令於東路延州接界平戎鎮添
價入中白米

慶州路有美泥唐泥大拔城等處小砦公只差兵士
百十人防托如賊馬大段入寇便令歸側近大城
寨內一處防守所貴不致枉陷軍民人心稍安

薄家莊在岢嵐軍火山軍之間公以火山軍城中無
水兼地窄狹難守奏乞於中路薄家莊擇地共脩
城砦

東關城在岢嵐軍水砦外公以岢嵐城小將東關城
築作大城檢計到土工五十二萬七千九百四十
五工

神堂堡銀城寨在麟南五十里公令經畧司相度興
西夏傳三卷

脩令人戶耕種住坐續脩神樹寨并堡子府州於
鞋斜谷端正平等要害處置大寨兩坐又置堡子
三坐

筆築城在秦州田况嘗請脩築公奏乞依田况所奏
早賜指揮

佛空平明珠等族所居公嘗令將偕燒蕩其地族帳
金明城在延州公奏議近重脩金明城且托得北面
又東北廢却承平南安長寧白草等寨後東西四
百里更無藩籬可以禦寇候金明城了方脩寬州
以禦東北

鳳川寨在慶州東城被山坡直下臨注或有西賊圍
閉矢石入城禦捍不下公牒李丕諫宋良同往鳳

川相度得本寨東烽火臺山上四面牢固及山脚
下有好水泉可以置砦令弓箭手兵士等寅夜與
工山上只築女牆四面削崖近下低處築城圍入
水泉續又牒本州通判范祥相度令新脩砦城分
擘街巷修蓋軍營倉房草場廨署及城上皆安置
敵樓

唐龍鎮與契丹對岸在府州之北豐州之東其東南
火山軍對岸公奏乞招誘唐龍鎮七族人口

故寬州在延州東北三程公言昨廢却承平塞門等
砦惟此一處竄為控扼蕃賊牒監脩官相度一併
下手脩築後又奏乞以寬州城為青澗城

廊城縣在廊州南至同州河中府各四程北至廊州

三

五

三

兩程至延州五程公乞朝廷建廊城縣為軍以康
定為名管廊城縣并於同州割一縣為之屬建倉
教營房所有同華河府苗稅於此送納後公又令
知廊州李丕諒相度丕諒差劉襲禮將帶匠人往
廊城脩展城牆高一丈底濶四尺五寸面收一尺
五寸蓋馬棚瓦舍三百間繫得馬二百疋安下得
兵士四千五百人兼脩露圈二十八箇計度到二
萬九百九十五工

延州城在寬州東南四十里公嘗請於朝乞以延川
縣為延川城云彼中人烟不少更有井泉勝於寬
州城

蕭遠馬嶺定邊永和安塞等砦在環州界初諸寨城

牆低下壕塹淺狹公牒環州那廂之六軍士及和虜人夫脩築

細腰城公令蔣偕等所築公又勘會本城至環州之邊砦三十七里西至鎮戎軍軋興寨六十里南至原州柳原鎮七十里量其地界遠近所脩城寨地土并側近蕃部元屬環州兼本是環慶路摩畫脩建兼細胥城東北板井川是西賊來路在細胥城定邊寨之間係屬環州地分緩急若有奔衝即須定邊砦與細腰城互相救援就環州節制甚順奏乞朝廷撥屬環州

萬安寨在延州西北往保軍路中路舊無城砦公差周美郭慶楊麟部領延州膚施兩縣人戶并廂軍

三百五十七

百五十三寨

四

脩築計度到六萬一千六百五十七工并脩築敵樓戰棚

豐林縣地在延州東二十五里就崖為城青化鎮在延州東六十里公差陳永圖部領臨真豐林兩縣人戶脩築計二萬六千五百五十二工

甘泉縣城在延州南八十里公差任世京部坊州丹州人夫脩築計六萬五千三百四十五工

承平砦在延州東北二百里在青澗城西八十里把截得承平川大路寨北大里河約六十里自來蕃族在大里河北居住公嘗請復修此砦以遏蕃賊不使過河云初脩之時則部署司那兵馬大為之備畢工之後只銷得二十人駐劄

安寨在延州東北二百七十里在青澗城正北七
十里北至綏州四十里去無定河二十里公嘗欲
脩之以其去水泉稍遠朱吉种世衡欲於青澗城
北四十里商館鋪南安寨中路創脩一山寨
栲栳岩在延州北八十里嘗為賊所破公相度舊岩
南五里地名龍平口興置一寨把截安遠塞門龍
口川賊馬來路

胡家川寨在延州初胡繼諤乞脩鷓子城公差殿直
楊麟興工麟州申稱計七萬四千工恐難了當公
遂差推官何涉与胡繼諤相度於胡家川莊北面
書按二上脩築一岩計三萬三千餘工下面川口
是德靖岩保安軍來路地勢委是要害只差本族

四五

百七十一卷

五

熟户人工官給口食并差廂軍三百人往彼助工
三關城在延州公牒招討那撥諸州差到兵士五千
人興脩

義蓮鋪在延州康定二年四月公差使臣趕殺西賊
抵此奪得人馬駱駝牛騾

牢山驛新店驛在麟州至延州一百六十里間嘗因
竊臣上言減廢公嘗与明鎬至此軍馬疲乏無支
請草料去處公言廊延路窳是屯兵去處日有軍
馬及使命過往遂牒延州脩補二驛每有過往使
命軍馬或遇晴明直到中路甘泉縣即支給一日
二糧等物若遇雨雪及山河水漲即於新店牢山
止宿

蘆泉在環州之邊砦與鎮戎軍軋與寨相望八十
之間為義渠朝那二郡之阻其南有明珠滅威之
族公嘗言能進兵據蘆泉為滅壘北斷賊路則
二族自安宜無異志後竟於此地築城招服明珠
滅威二族

永洛城在朝那之西秦庭之東公嘗奏言策應軍馬
由儀隴二州十程始到如能進脩永洛城斷西賊
入秦庭之路其利甚大非徒通諸路之勢因以張
三軍之威者也



